



UNIVERSITÄTS-
BIBLIOTHEK
PADERBORN

Universitätsbibliothek Paderborn

R. P. Lvdovici De Ponte, Societatis Iesv, Meditationvm De Praecipvis Fidei Nostrae Mysteriis

Vitae Ac Passionis D. N. Iesv Christi; B.V. Mariae, & aliquorum Sanctorum
Qvae Historiam Complectitur vniuersæ Paßionis Dominicæ

Puente, Luis de la

Coloniae, 1614

Med. 13. De Sacramentalibus panis viniq; speciebus; & quid per eas
significetur.

[urn:nbn:de:hbz:466:1-54653](https://nbn-resolving.org/urn:nbn:de:hbz:466:1-54653)

alba, purga & exorna animam meam, omnes ab ea culpæ sceditates lauans, & gratiæ diuinæ virtutibus eam exornans.

ILLUD quoque verbum est perpendendum *effundetur*: quò significatur non guttatim ex corpore suo sanguinem exiturum, nec parcè, sensim per distillationem; sed magna copia eum effusurum totum, & per omnes sui corporis partes, vt apparebit inferius.

QUARTI puncti materia esse potest, quomodo Christus Dominus, & eius Apostoli ex calice illo biberint: sed eadem hic perpendi possunt, qua superius diximus de pane.

MEDITATIO XIII.

DE SACRAMENTALIBVS PANIS & vini speciebus: & quideiisdem nobis proponantur.



Ac meditatione, & proxima sequenti vi licebit, quãdo sacro Missæ sacrificio inter sumus accepto aliquo eorum puncto, vt aliquos deuotionis actus exerceamus, circa sacrosanctum illud mysterium.

PUNCTVM I.

PRIMVM exquirendæ sunt causæ, cur Christus Dominus, sub duabus distinctis speciebus panis & vini sacramentū hoc instituerit: sub vna ponens rectā & principaliter suum corpus, sub altera verò suo sanguinem? siquidem verè & reipsa, cum corpore est etiam sanguis, & cum sanguine etiam corpus, mutuo se comitantes.

I. DVAE præcipuæ fuerunt huius rei causæ. **PRIMA** vt ostenderet se nobis perfectissimū parare conuiuium quoniam ergo in omnibus terrenis conuiujs distinctè proponitur cibus & potus: ita in cælesti hoc vtrumque distinctè proponeretur: quamuis (quæ infinita est eius excellentia) alterum alteri esset coniunctum: & vtrius eius pars exleret tam famem quam sitim nostram: quam ob causam infinitas illi gratias agam, gaudens quod in omnibus suis operibus adeo sit ipse perfectus.

II. **SECUNDA** causa magisq; præcipua fuit, vt ita significaret preciosissimum suum sanguinem, totum fuisse à corpore in passione separatum; quia in gentibus doloribus, & grauissimis tormentis, pro nostris peccatis illum effudit. Quare dum sacro Missæ intersum, videoque seorsim hostiam sacram eleuari, & postmodum sanguinem in calice, meminisse debeo separationis illius sanguinis à corpore, attendens in calice illo totū sanguinem simul

colle-

collectum contineri, quem Christus Dominus noster, tam nocte precedente, quam ipso die passionis, quinque diuersis in locis effudit, sudore videlicet in horto, flagellis ad columnam, coronâ spineâ, clavis & lancea in cruce, quæ omnia loca percurrenti, licebit in singulis colloquia & petitiones curæ amoris affectibus, & gratiarum actione, ac dolore de peccatis instituere, hoc modo. O sanguis IESU pretiosissime, qui in horto Gethsemani, per eius corporis poros, ingenti animæ eius tristitia & anxietate effluxisti, gaudeo te in isto calice contineri, vt à fidelibus omnibus adoraris: & ego quantum possum te adoro, & glorifico, supplicans, vt me à tristitiis, & anxietatibus æternis liberes, quas meis peccatis sum promeritus, pro quibus effusus fuisti. O calix pretiosissime, sanguine illo plene, quem Dominus meus ex dorso suo, crudelibus verberibus vulnerato, effudit: & eo, qui ex eius capite cum fuit spinis acutissimis punctum, effluxit inebria me diuino istius sanguinis liquore, vt totus conuerter in eius amorem, qui pro me illum effudit. O amantissime IESU, qui in isto calice sanguinem tuum reposuisti, quem per clauorum vulnera, sacris tuis pedibus & manibus in fræta, & per vulnus lateris lanceâ aperti effudisti, a quid tibi retribuam pro omnibus quæ retribuisti mihi? nisi calicem salutatis accipiens, sanguinem tuum in eo contentum tibi offeram, sanctum tuum nomen in eo glorificans, Amen.

a Ps. 115. 13.

PUNCTVM II.

DEINDE causas considerabo, cur Christus Dominus noster, hanc panis & vini in suum corpus & sanguinem conuersionem, voluerit esse ita inuisibilem, vt visibilibus tantum panis & vini accidentibus obtegeretur; qui si voluisset facile potuisset talem conuersionem visibilem effecisse; aut certe externum aliquod signum adhibuisse, quo magnitudo rei, quæ sub illis continebatur appareret, sed cur id non fecerit, duplex potissimum fuit causa.

I.

PRI MA ex parte ipsius nostri Seruatoris, quod se humilians, recens & continuum humilitatis, & heroicæ patientiæ nobis exemplum præberet: nam, vt in Incarnatione, qui filius erat Dei, *semetipsum exinanivit. formam seui accipiens*: diuinitatis altitudinem humanitatis vilitate cooperiens, quâ ob causam plerimi eum, quis esset non agnoscentes, despererunt; & tanquam purum hominem malè tractarunt: ita in hoc sacramento, qui simul Deus est & homo verus, voluit eò se demittere, vt sacramentalem illam figuram externam panis & vini accipiens, diuinitatis & humanitatis suæ altitudinem occultaret: quæ etiam causa est, vt multi eum, non agnoscentes, contemnant, & malè habeant: & interdum, atque si merus panis esset & vinum, conculcenta quod tamen ipse maxima tolerat patientia,

nulle

nullo vel insinuato ultionis indicio, ut hoc ab illo accipiamus exemplum. O humillime & patientissime IESU, gratias tibi pro hac rara humilitate, & patientia, quam exempli nostri causa hic exerces: adiuua, Domine, ut ad imitationem tui occultum, quidquid vanum apud homines honorem mihi afferre potest, feramque patienter quemuis contemptum, & iniuriam mihi ab eis illatam. Clarifica nostros oculos sanctæ fidei lumine, ut credamus ac veneremur infinitam, quæ sub isto sacramentali velo continetur, magnitudinem, si quidem quò magis te nostri causa humilias, eò est magis rationi consentaneum, ut te nos amplius exaltemus, & per omnia sæcula laudemus: Amen.

II.

SECUNDA causa fuit ex parte nostra, ut recens & continuatum heroicæ fidei exercitium haberemus, negantes omnes nostros sensus & ratiocinationes, quas noster intellectus, ex eisdem fabricaret, subiicientes illum & captiuantes in obsequium Christi: qui propterea in verbis consecrationis calicis hoc sacramentum appellat *Mysterium fidei*, quasi per excellentiam hoc nomen illi applicetur. Ideoque maximum, quod Christus Dominus hac nocte edidit miraculum, fuit, (ut supra diximus) repente mutare corda & intellectum Apostolorum, ut crederent, id, quod in suis manibus habebat, statim atque verba illa protulit, HOC EST CORPUS MEVM, desisse omninò esse panem: & in eius, qui illa protu-

lerat, corpus fuisse conuersum. Et iuxta hæc, cum sacrum Missæ audio, aut communico, aut ingredior Ecclesiam, optimum est ætuare, & viuificare fidẽ, per omnes meos sensus, hac ratione discurrendo: credo Domine, quamuis oculi mei, panis colorem & figuram videant,

a Hebr. 3. non tamen panem verum, sed te filium a Dei vini splendorem gloria, & figuram substantia

b Cant. 5. 10. eius, b candidum & rubicundum, electum ex millibus, istic esse. Credo, Deus meus, etsi meus odoratus, panis & vini odorem percipiat, sub

c Gen. 27. 27 illis tamen esse te ipsum verum Iacob, c cuius odor est sicut odor agri pleni, cui benedixit Dominus. Credo item quamuis Gustatus meus sa

d Ioan. 6. 51. non esse terrenum panem, sed te d panem viuum qui de cælo descendisti, fontem omnis dulcedinis & suauitatis. O Saluator dulcissime, illustra quæso meum intellectum, sicut illustrasti tuos Apost. vt fide viuua agnoscam infinitam pulchritudinem isthic latentem, & suauissimarum virtutum odore conforter, & deliciarum tuarum dulcedine nutriar ac recreer.

III.

ULTIMA causa perpendi potest, vt nostram fiduciam excitarer, adderetq; animum, vt accedere auderemus, tangere, in nobis recipere, & comedere. Nisi enim ita sese occultaret, quis hæc facere auderet? Ideoque idem amor, qui effecit, vt nobiscum maneret; eum impulit, vt ita se occultaret; quod arctiori vnitione ipso frui liceret, dum intra nos ipsos illum

reci

recipimus. O benedictus sit talis amor, qui suæ granditatis oblitus, nostræ se accommodat vilitati, ne aliâs viles vermiculi, à tantâ maiestati perterriti, eam fugerent.

PUNCTVM III.

TERTIO exquirendæ sunt causæ, cur sub speciebus panis & vini potius quam sub realia spectabili nobiscum manere decreuerit, quas ad nostram spiritualem utilitatem applicabimus.

PRIMA causa fuit, vt nobis coniungeretur non modò spiritualiter, quâ Deus est: sed corporaliter etiam, quâ est homo; idq; maxima, quæ esse potest, coniunctione: nihil est enim, quod magis intimè homini vniatur, atq; cibis & potibus: qui non exterius adhæret, sed per os intrans, ad ipsa viscera penetrat, ibique cum illis coniungitur. Et quoniam amor, vniendum habet amantem cum re amata, voluit amantissimus IESVS, non solùm manere prope nos, sed ad nos ipsos intrare, & hac sacramentali vnitione spiritualem illam efficere, quæ veri est & solidi amoris. O IESV amantissime, quomodo non horres intrare in viscera, ad eò sordidi & horridi corporis, atque hoc est meum? quis hoc Domine efficit, si non tui amoris magnitudo? quæ quòd possit nostræ vilitati coniungi, proprias suas granditates cõculcar? coniunge me tecum perfecta charitatis vnitione, vt in æternum à te non recedam.

SECUNDA causa fuit, vt hac ratione nobis significaret, se omnes eos affectus in ani-

I.

II.

ma nostra efficere quos panis & vinum in corpore nostro efficiunt. Nam sua presentia diuina & gratia, quam nobis in hoc sacramento communicat, nutrit, conseruat, & auget vitam nostram spiritualement, dat robur, cor lætificat, peruerso amoris proprii incendio resistit, & damna reparat, quæ ab ipso nobis proueniunt: ac denique nos facit sibi similes, virtutes suas & proprietates nobis imprimens, ideoque dixit ipse, *qui manducat me, viuet propter me.*

a Ioan. 6. 58.

His considerationibus, magnum in me conabor excitare huius sacramenti appetitum, plurimi faciens, quantum mea referat frequenter illud ad animæ meæ sustentationem suscipere; sicut est necesse corporalem cibum temporibus sumere, vt corpus sustentetur. O cibum cœlestem! d panem Angelorum; & verè panem quotidianum! si mihi daretur te quotidie sumere, vt vitam per te dicerem diuinam! b O vinum germinans Virgines; & vinum lætificans cor hominis; veni, & puritate tua purifica animam meam, & tua læticia lætifica spiritum meum, & me totum vi cui amoris inebria.

b Zac. 9. 17.

c Ps. 103. 15.

III.

TERTIA causa fuit, vt nobis significaret, sicut panis efficitur, ex multis frumenti granis contritis, & in massam vnã coeuntibus; vinumque ex multis vuarum granis calcatis & expressis: ita diuinum hunc cibum & potum, corda requirere verã charitate coniuncta; ad quam multorum fidelium in vno spiritu coniunctionem efficiendam dirigitur; pro-

prece

preterea enim communio appellatur, quam co-
 munis multorum inter se, & cum Christo v-
 nio, cuius spiritum omnes participant: Qua-
 re, si ad huiusmodi communem vnitionem,
 necesse est, me permittere moli, calcari, &
 conculcari, mortificando in me quidquid ha-
 beo de veteri homine, debeo merito ad id me
 promptum offerre, quò diuini huius cibi gu-
 stata dulcedine, ipsi Christo coniungar. O
 Christe dulcissime, qui tuum corpus coniu-
 xisti speciebus panis, qui prius fuit molitus; &
 tuum sanguinem vini accidentibus, quod pri-
 us fuit calcatum & expressum; en Domine, me
 offero vt molar, & comminuar, & conculcer;
 quò tuum conseruem amorem & coniunctio-
 nem concordiamque cum meis fratribus, vt
 tu, Deus meus, digneris te mihi in hac vita,
 per copiosam gratiam coniungere, vt ma-
 neat perpetua hæc vnio in æterna
 gloria, Amen.

